

薛立齋先生

薛己。字新甫。號立齋。性穎異。過目輒成誦。尤殫精方書。於醫術無所不通。正德時。選爲御醫。擢南京院判。嘉靖間。進院使。輯有薛氏醫案十六種。醫家多遵守之。己所自著者。爲外科樞要四卷。原機啓微三卷。內科摘要二卷。女科撮要二卷。癰瘍機要三卷。正體類要二卷。保嬰粹要一卷。口齒類要一卷。保嬰金鏡錄一卷。其訂定舊本。附以己說者。爲陳自明婦人良方二十四卷。外科精要三卷。王綸明醫雜著六卷。錢乙小兒真訣四卷。陳文中小兒痘疹方一卷。杜本傷寒金鏡錄一卷。及其父鎧保嬰撮要二十卷。初刻於秀水沈氏。天明丁卯。朱明爲重刊之。己治病務求本原。用八味丸六味丸。直補真陽真陰。以滋化源。實自己發之。其治病多用古方。而出入加減。具有至理。多在一兩味間。見神明變化之妙云。

薛立齋醫案目錄

中風	一	腫脹	三	耳	三
類中	四	目疾	四	髮脫	三
虛火	四	五淋	四	痛風	三
泄瀉	五	小便瀉數	五	前陰病	三
瘡疾	六	便秘	六	脫肛	四
痢疾	六	腹痛	七	調經	四
發熱	七	脅痛	七	崩漏	七
血證	九	腰痛	八	胎前產後	六
下血	一〇	頭暈	八	瘰癧	三
溺血	二	鶴膝風	九	嬰兒諸證	三
痰	三	腳證	一〇	瘍證	四
咳嗽	三				

薛立齋醫案

武進徐衡之編纂
嘉定姚若琴

嘉善俞震東扶評注

中風

一人年六十餘素善飲酒兩臂作痛服祛風治痿之藥更加麻木發熱體軟痰湧腿膝拘痛口噤語澀頭目暈重口角流涎身如蟲行癢起白屑立齋曰臂麻體軟脾無用也痰涎自出脾不能攝也口斜語澀脾氣傷也頭目暈重脾氣不能升也癢起白屑脾氣不能榮也遂用補中益氣湯加神麴半夏茯苓三十餘劑諸症悉退又用參朮膏而愈

一婦人懷抱鬱結筋攣骨痛喉間似有一核服烏藥順氣散等藥口眼喎斜臂難伸舉痰涎愈甚內熱晡熱食少體倦立齋云鬱火傷脾血燥生風所致用加味歸脾湯二十餘劑形體漸健飲食漸加又服加味逍遙散十餘

劑。痰熱少退。喉核少利。更用升陽益胃湯數劑。諸證漸愈。但臂不能伸。此肝經血少。用地黃丸而愈。

秀才劉允功。形體魁偉。不慎酒色。因勞怒頭暈仆地。痰涎上湧。手足麻痺。口乾引飲。六脈洪數而虛。薛以爲腎經虧損。不能納氣歸源。而頭暈不能攝。水歸源而爲痰。陽氣虛熱而麻痺。虛火上炎而作渴。用補中益氣合六味丸治之而愈。其後或勞役或入房。其病卽作。用前藥隨愈。

憲幕顧斐齋。左半身并手不遂。汗出神昏。痰涎上湧。王竹西用參芪大補之劑。汗止而神思漸清。頗能步履。後不守禁。左腿自膝至足腫脹甚大。重墜如石。痛不能忍。其痰甚多。肝脾腎脈洪大而數。重按則軟濇。立齋朝用補中益氣湯。加黃柏。知母。麥冬。五味。煎迸地黃丸。晚用地黃丸。料加知柏數劑。諸證悉退。但自弛禁不能全愈耳。

震按。此四案理精法密。學者所當熟玩。

車駕王用之。卒中昏憤。口眼喎斜。痰氣上湧。咽喉有聲。六脈沉伏。此真氣虛而風邪所乘。以三生飲一兩。加人參一兩。煎服卽甦。立齋曰。若遺尿撒手。口開。鼾睡爲不治。用前藥。亦有得生者。夫前飲乃行經絡。治寒痰之藥。有斬關奪旗之功。每服必用人參兩許。駕馭其邪。而補助真氣。否則不惟無益。適足以取敗矣。

震按。此治中寒。痰壅塞氣道之藥。肥人脈沉伏。無火象者。可用之。若脈微細者。必加人參。實非中風藥也。折肱漫錄云。三生飲施於中風之寒症。妙矣。或有虛火衝逆。熱痰壅塞。以致昏憤顛仆者。狀類中風。恐烏附非所宜服。立齋治王進士。失於調養。忽然昏憤。謂是元氣虛。火妄發。挾痰而作。急灌童便。神思漸爽。更用參芪各五錢。芎歸各三錢。元參柴胡山梔炙草各一錢。服之少定。察其形倦甚。又以十全大補湯加麥冬五味。治之而安。予從弟履中。年方強仕。以勞心憂鬱。而得斯證。痰升遺溺。眼斜視。逾時不醒。竟類中風。亦灌以童便而甦。此等證候。皆火挾痰而作。斷非三生飲所可治者。并薑湯亦不相宜也。同一卒然昏憤。而所因不同。須細審之。

類中

有一婦人先胸脅脹痛後四肢不收自汗如雨小便自遺大便不實口緊目瞶或以爲中臟甚憂請薛立齋視之曰非也若風旣中臟眞氣旣脫惡證旣見禍在反掌安能延至十日乃候其色面目俱赤而或青診其脈左三部洪數惟關尤甚乃知胸乳脹痛肝經血虛肝氣否塞也四肢不收肝經血虛不能養筋也自汗不止肝經血熱津液忘泄也小便自遺肝經熱甚陰挺失職也大便不實肝木熾盛剋脾土也遂用犀角散四劑諸證頓減又用加味道遙散調理而安

虛火

沈大尹不時發熱日飲冰水數碗寒藥二劑熱渴益甚形體日瘦尺脈洪而數時或無力王太僕曰熱之不熱責其無火寒之不寒責其無水又云倏熱往來是無火也時作時止是無水也法當補腎用加減八味丸不月而

愈

泄瀉

錢可久善飲面赤痰盛大便不實此腸胃溼痰壅滯用二陳苓連山梔枳實乾葛澤瀉升麻一劑吐痰甚多大便始實此後日以黃連三錢泡湯飲之而安但如此稟厚不多耳

震按此條重在如此稟厚不多句而日以黃連三錢泡湯飲又當知如此治法亦殊少

又一人年六十面帶赤色吐痰口乾或時作瀉春謂立齋曰僕之證或以爲脾經溼熱痰火作瀉率用二陳黃連枳實神麴麥芽白朮柴胡之類不應何也薛診之左關弦緊腎水不能生肝木也右關弦大肝木乘脾土也此乃脾腎虧損不能生剋制化當滋化源不信薛謂人曰此翁不久當損于痢矣次年果患痢歿

震按左關弦緊右關弦大淺見者不過平肝清溼熱而已服之不應亦不知所以然之故

瘧疾

一產婦患瘧久不愈。百病蜂起。其脈或洪大。或微細。或弦緊。或沉伏。難以名狀。用六君子加炮薑二十餘劑。脈證稍得。又用參朮煎膏。佐以歸脾湯。百餘劑而愈。

又治一婦久瘧。形體怯弱。內熱晡熱。自汗盜汗。飲食少思。月事不行。服通經丸病益甚。此因虛而致瘧。因瘧而致經閉。用補中益氣湯及六味丸。各百餘劑。瘧愈而經行矣。

震按。藥已對病。尚百餘劑始愈。設醫者拿不定。則見異而遷。病者信不真。則半途而廢。必至前功盡棄。因知虛證用補。慎毋欲速。

痢疾

少宗伯顧東江。停食患痢。腹痛下墜。或用疏導之劑。兩足浮腫。食少倦怠。煩熱作渴。脈洪數。按之微細。以六君子加薑桂各二錢。吳茱萸五味子各

一錢煎成冷。飲卽睡。覺而諸證頓減。此假熱而治以假寒也。

立齋又云。先母年八十。仲夏患痢。腹痛。作嘔。不食。熱渴引湯。手按腹痛稍止。脈鼓指而有力。真氣虛而邪氣實也。急用人參五錢。白朮茯苓各三錢。陳皮升麻附子炙草各一錢。服之睡。覺索食。脈證頓退。再劑而安。此取證不取脈也。凡暴病。毋論其脈當從其證。時石閣老太夫人。其年歲脈證皆同。彼乃專治其痢。遂致不起。

震按。立齋云。暴病毋論其脈。當從其證。想先生祇從虛寒之證爲據。若證現實熱而脈微細。或按之空豁者。又從脈不從證矣。多閱薛氏醫案自知。

發熱

州同韓用之年四十六。仲夏色慾過度。煩熱作渴。飲水不絕。小便淋瀝。大便祕結。唾痰如湧。面目俱赤。滿舌生刺。兩唇燥裂。遍身發熱。或時如芒刺。而無定處。兩足心如烙。以水折之作痛。脈洪而無倫。此腎陰虛陽無所附而

發於外。非火也。蓋大熱而甚。寒之不寒。是無水也。當峻補其陰。遂以加減八味丸料一觔。內肉桂一兩。以水頓煎六碗。冰冷與飲。半響已飲大半。睡覺而食溫粥一碗。復睡至晚。又以前藥溫飲一碗。乃睡至曉。食熱粥二碗。諸證悉退。翌日畏寒。足冷至膝。諸證仍至。或以爲傷寒。薛曰非也。大寒而甚。熱之不退。是無火也。陽氣亦虛矣。急以八味一劑。服之稍緩。四劑。諸證復退。大便至十三日不通。以猪膽導之。諸證復作。急用十全大補湯。四劑。方應。

震按。此條不列之傷寒門者。以所敘證先述煩渴引飲。淋瀝淋唾痰面赤舌燥。而後繼之以偏身發熱云云。其情形殊不似傷寒之先發熱。而漸見煩渴。溺淋舌燥也。立齋治法誠奇。然曰陰虛而用肉桂一兩。似難矜式。况前云無水以加減八味料一觔。所謂加減者。不過去附子加五味耳。後云無火以八味九一劑。則較之前用一觔。桂一兩。僅得十分之一矣。何先後輕重如此耶。且存其說實之高明。

府瘁王以道。元氣素弱。復以考試積勞。於冬月大發熱。淚出隨凝。目赤

露胸、氣息沉沉欲絕。脈洪大鼓指。按之如無。舌乾如刺。此內真寒而外假熱也。令服十全大補湯。囑曰。服此藥。其脈當收斂爲善。少頃熟睡。覺而惡寒增衣。脈頓微細如絲。此虛寒之真象也。以人參一兩。熟附三錢。水煎頓服。而安夜間脈復脫。乃以參二兩。熟附五錢。仍愈。後以大劑參朮歸身炙草等藥調理而愈。

震按。壯熱露胸。目赤。淚凝。舌乾如刺。純是火象。惟氣息沉沉欲絕。是虛象。脈洪大鼓指。按之如無。則可決其內虛寒而外假熱矣。服溫補藥後。脈當收斂爲善。此是格言所當熟記。又立齋治七十九歲老人。於少妾入房後。頭痛發熱。見諸火象。脈洪大無倫。按之有力。較之此案證同。脈異更宜細參。

血證

一童子。年十四。發熱吐血。薛謂宜補中益氣以滋化源。不信。用寒涼降火。愈甚。始謂薛曰。童子未室。何腎虛之有。參芪補氣。奚爲用之。薛曰。丹溪云。腎主閉藏。肝主疎泄。二藏俱有相火。而其係上屬於心。心爲君火。爲物所感。

則易動。心動則相火翕然而隨。雖不交會其精暗耗矣。又精血篇云。男子精未滿而御女以通其精。則五藏有不滿之處。異日有難狀之疾。遂用補中益氣及地黃丸而差。

下血

一男子每怒必便血。或吐血。卽服犀角地黃湯之類。薛立齋曰。當調理脾胃。彼不信。仍服之。日如倦怠。面色萎黃。又用四物芩連丹皮之類。飲食少思。心煩熱渴。吐血如湧。竟至不起。此證久服寒涼損胃。必致誤人。其脾虛不能攝血。不用四君芎歸補中益氣之類。吾未見其生者。

一婦。但怒必便血。寒熱口苦。或胸脅脹痛。成小腹痛悶。薛曰。此怒動肝火。而侮土。用六君子加柴胡山梔而愈。用補中益氣加味逍遙二藥。乃不復作。

震按。此條是吐血。便血。正理正法。

溺血

一婦人小便血。因怒氣寒熱。或頭痛。或脅脹。用加味逍遙散。諸證稍愈。惟頭痛。此陽氣虛。用補中益氣加蔓荊子。而痊。後鬱怒。小腹內疔痛。次日尿痛熱甚。仍用加味逍遙散加龍胆草。并歸脾湯。將愈。因飲食所傷。血仍作。徹夜不寐。怔忡不寧。此膽血尙虛。用前湯而愈。

一婦人尿血。久用寒涼止血藥。面色萎黃。肢體倦怠。飲食不甘。晡熱作渴。三年矣。此前藥復傷脾胃。元氣下陷。而不能攝血也。蓋病久鬱結。傷脾。用補中益氣以補元氣。用歸脾湯以解脾鬱。使血歸經。更用加味逍遙以調養肝血。不月諸證漸愈。三月而痊。

震按。內經謂胞移熱於膀胱則溺血。故溺血證屬熱者多。實熱則脈洪數有力。宜導赤散加梔芩淡竹。集鮮小蓴調滑石末。冲生藕汁。虛熱則脈洪數無力。宜生地歸芍梔芩牛膝麥冬黃連等。調髮灰或茅根汁。若夏令有感冒熱者。六一散加黃連生地。若少年有血虛挾瘀者。阿膠三七二味多服。若阻塞不

通并可加冬葵子生蒲黃以化之。若多怒人有肝家鬱火者。龍膽瀉肝湯。甚則當歸龍薈丸。惟久而不止則爲虛。歸脾補中益氣酌用。或老年及久病人始雖熱證。久變虛寒并可用八味地黃丸。四味鹿茸丸等。方然用至此種藥小愈仍復發者多不救。予選二案又恐人止狃於屬熱治法。故取立齋以療庸淺之通病。

痰

一儒者背腫一塊。按之則軟。肉色如故。飲食如常。勞則吐痰體倦。此脾虛而痰滯。用補中益氣加茯苓。半夏。少加羌活。外用陰陽散以薑汁調擦。而消。後因勞頭暈作嘔。仍以前藥去羌活。加蔓荊子而愈。

震按。此卽世人所謂瘰癧流注也。勞則吐痰體倦脾虛易明矣。

咳嗽

儒者張克明。咳嗽。用二陳。芩連枳殼。胸滿氣喘。侵晨吐痰。加蘇子杏仁。口出痰涎。口乾作渴。薛曰。侵晨吐痰。脾虛不能消化飲食也。胸滿氣喘。脾虛。

不能生肺金也。涎沫自出。脾虛不能收攝也。口乾作渴。脾虛不能生津液也。遂用六君炮薑肉果補脾。更用八味丸以補土母而愈。

震按。此條不載脈象。以意度之。脈必虛數。觀前醫之用芩連。脈數可知矣。若脈虛軟不數。誰不能用六君八味哉。薛公高處在此。然又不可奉爲祕訣。治病貴乎應變。法非一例。

腫脹

一男。素不善調攝。睡痰口乾。飲食不美。服化痰行氣之劑。胸滿腹脹。痰涎愈甚。服導痰理脾之劑。肚腹膨脹。二便不利。服氣分利水之劑。腹大脅痛。不能睡臥。服破血消導之劑。兩足皆腫。脈浮大。不及於寸口。朝用金匱腎氣丸。夕用補中益氣湯煎送。前丸月餘。諸證漸退。飲食漸進。再服月餘。自能轉側。又兩月而能步履。卻服大補湯還少丹。又半載而康。後稍失調理。其腹仍脹。服前藥卽愈。

震按。立齋此法。爲脹滿虛證的對之方。

目疾

給事張禹功目赤不明服祛風散熱藥反畏明重聽脈大而虛此因勞心通度飲食失節以補中益氣加茯神棗仁山藥山茱萸五味頓愈又勞役復甚用十全大補兼以前藥漸愈却用補中益氣加前藥而痊東垣云諸經脈絡皆走於面而行空竅其清氣散於目而爲精走於耳而爲聽若心煩事冗飲食失節脾胃虧損心火太甚百脈沸騰邪害孔竅而失明矣况脾爲諸陰之首目爲血脈之宗脾虛則五藏之精氣皆失其所若不理脾胃不養氣血乃治標而不治本也。

五淋

大尹劉天錫內有溼熱大便滑利小便濇滯服淡滲之劑愈加滴瀝小腹腿膝皆腫兩眼脹痛此腎經虛熱在下焦淡滲導損陽氣陰無以化遂用地黃滋腎二丸小便如故更以補中益氣加麥冬五味兼服而康。